

傳世漢文琉球文獻輯稿

海峽出版發行集團

鷺江出版社

傳世漢文琉球文獻輯稿

第一輯



海峡出版发行集团
THE STRAITS PUBLISHING & DISTRIBUTING GROUP



江苏出版社
JIANGSU PUBLISHING HOUSE

第二十四冊目次

續欽思堂集附聖覽詩文稿 一

質問本草 一〇一

續欽思堂集附聖覽詩文稿

不分卷

「琉球」 蔡大鼎撰 清光緒三年（一八七七）刊本

球陽特一孤島耳。自効順

天朝以來。涵濡

聖化。歷年且久。生長是邦者。皆能講習乎詩書。崇尚乎禮義。彬彬然有儒者風。故前程公寵文傑出一時。著有傳書行世。以後每遇

襲封王爵之年。選充爲官生者。入國子監肄業。如程公順則諸先輩。類能通曉音律。清詞麗句。刊成詩編。以稱作者。而獨無如蔡生汝霖。尤爲嗜學之最深也。生質醇謹。秉性謙和。平時勵志苦吟。手不釋卷。咸豐庚申冬。充存留官。凡三度抵闕。一次晉京。

出其平日撫景攄情歌吟寄興以及與同官之涼友。中。之。文。人。往。來。相。贈。答。刊。有。寒。窗。紀。事。閩。山。游。草。北。燕。游。草。各。集。無。法。不。備。無。美。不。臻。蔚。爲。一。代。之。觀。雖。李。青。蓮。所。云。敏。捷。詩。千。首。無。復。多。讓。焉。宜。其。於。同。治。庚。午。九。年。甲。戌。十。三。年。將。刊。成。詩。稿。呈。覽。

國王均蒙頒賞緞疋器物等件。是誠鴻篇鉅製。足以邀光寵而震燦無窮者也。今春復充補都通事官。奉命齎咨來閩。陳明國情。公餘之暇。詩癖猶前。遂有欽思堂詩文續刻。並聞事竣返國。將榮陞內

用。在。於。王。所。矣。夫。蔡。生。之。輒。次。付。梓。者。豈。自。誇。能。
詩。哉。實。因。不。忘。其。苦。心。之。所。託。就。正。之。彌。殷。與。中。
朝。人。士。結。文。字。緣。久。而。愈。篤。者。則。杜。詩。云。老。去。漸。
于。詩。律。細。不。可。想。見。其。詩。學。之。燦。然。日。新。也。夫。爰。
樂。爲。之。序。

皆

光緒三年歲在丁丑仲秋月

三山變臣氏謝鼎拜書





謝夫子大人佳藻書贈 四章

昔年齋養赴郵程。拜受

天恩觀帝城。遍歷吳淮工寄詠。依然風雅一書生。

國步艱難不自持。殷勤推挽費多思。忠誠自是由天性。排解終邀荷。

聖慈

信是能安社稷臣。出屯濟險協同寅。賢勞幸得紆君慮。守禮崇褒冠海濱。輸誠二邑有餘年。航海珠路幾千從。此歲時修職貢。榮膺高爵世相傳。

聯句

到眼詩書皆雪亮。
束身名教自風流。

續欽思堂集序

夫英才之生。不拘于地。不限于時。唯天地鍾毓之深。國家培植之久。而後有勤學好問之英資。出而應一朝之運會。人之望塵不及者。見其驚才絕艷。驚爲嵩生嶽降之奇。而其實是人。也。亦無他異。人有聰穎之天資。又濟以純全之學力。積久遂成海涵地負之才。中山蔡汝霖先生。前充存留入閩。與予相遇于柔遠驛。一覲面。相見恨晚。由是遂成莫逆。鼎君謙恭自矢。其學遠勝于予。每虛衷下問。予知鼎君將來當成大器。愈相敬慕。丙寅秋。值封使舟楫回閩之便。復寄續欽思堂詩集示予。海天

懸隔越萬里相契以詩文。予讀君之佳作。知前刻詩文。
既膾炙人口。未數年復彙成一帙。字斟句酌。詢爲繡口。
而錦心。足以津梁後學。予快覩茲集之有成。爰贅數語。
而爲之序。

肯

同治六年歲次丁卯仲春中澣虞臣鄭莘

續欽思堂集序

蔡君汝霖先生。

家嚴萬里外得意士也。生長球陽。素

有詩癖。庚申歲充存留官。迄今凡四度來閩矣。前後出

其七世祖紹齋老先生寒窗紀事。並所自著閩山游草。

續閩山游草。北燕游草各詩集。問序於家嚴。余承庭

訓之暇。因得一一披吟。心嚮往久之。竊以爲詩學傳家

者也。予素不工詩。茲復出其續欽思堂一集示予。以

家嚴方司鐸清溪。乃謬以予爲可與言詩者。而令序其

簡端。雖然。予何敢哉。予竊謂

先生之才。探之而不窮。取之而不竭。求之於詩。迹也。而

未足概其全。少陵之言曰。詩是吾家事。昌黎之言曰。餘事作詩人。蔡君有之。爰是不揣冒昧。樂爲綴述數語。至其詩之清新俊逸。已爲有目所共賞。固無待予之延譽也已。

光緒歲次丁丑蒲夏閏中謝維焜幼臣氏拜序

續欽思堂集序

余素不能詩。喜與學侶論詩。全唐詩集。足爲後學法程。尚矣。至於神明于法。不見運法之迹。神注題中。韻流簡外。鍊氣鍊神。風骨遒上。無格不備。竊心嚮往之。本年春。到余友鄭君書館。案頭有詩集。迺球陽中山府中議大夫蔡君大鼎先生所作。因遍讀焉。詢知

先生天姿卓犖。博學深思。生長球國。往來齊魯燕趙間。其豪宕之氣。發嶽崎磊落之詞。慘淡經營。良工心苦。詢爲海嶠偉人。並臂齊驅於上國。縱橫排宕。變幻空靈。讀其詩。卽知

先生之爲人。王摩詰詩中有畫。詢非虛語也。其才猷之
富。足以輔國。黻家是集。特其嚆矢耳。因誌數語。而爲之
序。

光緒三年三月念五日。福省閩縣禹門江化龍謹識。